

whenua a i ata whakatuturutia e te Poari Whenua Maori o te Takiwa o Aotea, whakataua ana ko te whenua e whakaaturia nei i roto i te Kupu Apiti ki tenei me tau ki te Poari Whenua Maori o te Takiwa o Aotea i raro i Wahi XIV o taua Ture: A notemea e pai ana kia whakataua peratia taua whenua.

Na reira, i runga i te whakahaerenga me te whakatutukitanga i nga mana mo taua mahi kua whakawhiwhia ki a ia e taua tekiona toru rau e rima tekau ma rua, ko te Kawana o te Tominiiona o Niu Tirenī i runga i te tohutohu me te whakaae a te Kaunihera Whiriwhiri o taua Tominiiona, tenei ka whakataua i te whenua e whakaaturia nei e te Kupu Apiti ki tenei ki te Poari Whenua Maori o te Takiwa o Aotea hei hoko atu mana ki te tangata i raro i nga tikanga o Wahi XIV o te Ture Whenua Maori, 1909.

KUPU APITI.

KATOA tera pihi tera wahi whenua ranei kei roto i te Takiwa Ruri o Nukumaru, tona nui 172 nga eka, nui atu iti iho ranei, e mohiotia ana ko Nukumaru Nama 2 Poraka.

J. F. ANDREWS,  
Karaka o te Kaunihera Whiriwhiri.

*Whakamana kia Tukua tetahi Whenua Maori ahakoa nga Tikanga o Wahi XII o te Ture Whenua Maori, 1909.*

ISLINGTON, Kawana.

OTA KAUNIHERA.

I te Whare o te Kawana, i Poneke, i tenei te 24 o nga ra o Hune, 1912.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA e hiahia ana nga Maori no ratou te whenua ki te rihi, a e hiahia ana a Messrs. Manson ratou ko tana Kamupane kia whiwhi ratou i te rihi, o te pihi o te wahi whenua ranei e ata whakaaturia nei i roto i te Kupu Apiti ki tenei: A notemea e arāia ana taua Messrs. Manson ratou ko tana Kamupane e Wahi XII o te Ture Whenua Maori, 1909, e kore ai ratou e whiwhi i te rihi o i taua whenua :

A notemea e whakaaro ana a His Excellency te Kawana o te Tominiiona o Niu Tirenī e tika ana hei painga mo te iwi nui tonu kia whakaetia kia riihitia taua whenua e aua Maori no ratou te whenua ki taua Messrs. Manson ratou ko tana Kamupane, i raro i nga tikanga kua whakaritea e tekiona rua rau ma toru o te Ture Whenua Maori, 1909 :

Na reira, a His Excellency te Kawana o te Tominiiona o Niu Tirenī, i runga i te tohutohu me te whakaae a te Kaunihera Whiriwhiri o taua Tominiiona, a i runga hoki i nga mana kua whakawhiwhia ki a ia e tekiona rua rau ma toru o te Ture Whenua Maori, 1909, me era atu mana katoa e whakaahei ana i a ia ki te pera, tenei ka whakaae kia riihitia taua whenua e aua Maori no ratou te whenua ki taua Messrs. Manson ratou ko tana Kamupane, a tenei hoki ka whakamanaia ka panuitia e ia ka ahei te rihi o taua pihi o taua wahi whenua ranei e aua Maori no ratou te whenua ki taua Messrs. Manson me tana Kamupane, ahakoa nga tikanga o Wahi XII o te Ture Whenua Maori, 1909.

KUPU APITI.

Te Ingoa o te Poraka.	Nga Eka.	Takiwa Ruri.
Waimarino E Nama 14	E. R. P. 450 0 0	Kaitieke.

J. F. ANDREWS,  
Karaka o te Kaunihera Whiriwhiri.

*Whakaaetanga ki te Tumuaiki Kai-whakawa o te Kooti Whenua Maori kia tukuna he piira.*

ISLINGTON, Kawana.

OTA KAUNIHERA

I te Whare o te Kawana, i Poneke, i tenei te 24 o nga ra o Hune, 1912.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA, kua meinga hei ture e wahanga-tekiona tahi o tekiona rima tekau o te Ture Whenua Maori, 1909, a nga wa katoa a i ia wa i ia wa ano hoki, i runga i te

tono *ex parte*, pewhea ranei, a tetahi tangata e whai paanga ana, ka ahei te Tumuaiki Kai-whakawa ki te mahara ia e tika ana, mehemea ka marama ia kua whakaaturia e te kaitono tetahi he *prima facie*, i runga i nga take, i runga ranei i ta te ture, kei te takoto i roto i tetahi ota tuturu a te Kooti Whenua Maori, ki te whakaae kia tuku piira whakahahe atu te kai-tono ki te Aperata Kooti mo taua ota, ahakoa i runga i te paunga o te taima, i tetahi huarahi ke atu ranei, kaore kau he mana o te kai-tono ki te tuku piira atu ki taua Kooti.

A notemea kua meinga e wahanga-tekiona rua o taua tekiona, ki te kore o matua whakaetia e te Kawana i roto i tona Kaunihera, kua e whakaetia e te Tumuaiki Kai-whakawa kia tukuna he piira i raro i tenei tekiona ki te kore i tonoa taua whakaetanga i roto i nga tau e rima o muri iho i te ra i mahia ai te ota e piiratia ana.

A notemea kua tukua he tonu ki te Tumuaiki Kai-whakawa o te Kooti Whenua Maori kia whakaetia kia tukua he piira whakahahe atu ki te whakataua a te Kooti Whenua Maori, i tuhia i te 17 o Hune, 1902, i te whakatuunga o nga kai-rihi mo Tamati Hapimana te Ngatata, kua mate, mo ona paanga ki Wairewa 887, Poraka IV, Tekiona 8 me 9.

A notemea e tika ana kia whakaetia kia tukua taua piira.

No reira, His Excellency te Kawana o te Tominiiona o Niu Tirenī, i runga i te whakahaerenga me te whakatutukitanga i nga mana me nga kaha kua whakawhiwhia ki a ia e wahanga-tekiona rua o tekiona rima tekau o te Ture Whenua Maori, 1909, a i runga hoki i te tohutohu me te whakaae a te Kaunihera Whiriwhiri o taua Tominiiona, tenei ka whakaae kia whakaetia atu e te Tumuaiki Kai-whakawa kia tukuna he piira i runga i nga tikanga kua kiiia ake nei. A tenei ka panuitia i whakaputaina tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a ka whai mana ano he whakaetanga na te Kawana i roto i tona Kaunihera ki nga whakahaerenga kua whakamanaia e tenei.

J. F. ANDREWS,  
Karaka o te Kaunihera Whiriwhiri.

*Whakaetanga ki te Tumuaiki Kai-whakawa o te Kooti Whenua Maori kia tukuna he piira.*

ISLINGTON, Kawana.

OTA KAUNIHERA.

I te Whare o te Kawana, i Poneke, i tenei te 24 o nga ra o Hune, 1912.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA, kua meinga hei ture e tekiona rima tekau o te Ture Whenua Maori, 1909, a nga wa katoa a i ia wa i ia wa ano hoki, i runga i te tono *ex parte*, pewhea ranei, a tetahi tangata e whai paanga ana, ka ahei te Tumuaiki Kai-whakawa ki te mahara ia e tika ana, mehemea ka marama ia kua whakaaturia e te kaitono tetahi pohehe *prima facie*, i runga i nga take, i runga ranei i ta te ture, kei te takoto i roto i tetahi ota tuturu a te Kooti Whenua Maori, ki te whakaae kia tuku piira whakahahe atu te kai-tono ki te Aperata Kooti mo taua ota, ahakoa i runga i te paunga o te taima, i tetahi huarahi ke atu ranei, kaore kau he mana o te kai-tono ki te tuku piira atu ki taua Kooti.

A notemea kua meinga e wahanga-tekiona rua o taua tekiona, ki te kore o matua whakaetia e te Kawana i roto i tona Kaunihera, kua e whakaetia e te Tumuaiki Kai-whakawa kia tukuna he piira i raro i tenei tekiona ki te kore i tonoa taua whakaetanga i roto i nga tau e rima o muri iho i te ra i hangaia ai te ota e piiratia ana.

A notemea kua tukua he tonu ki te Tumuaiki Kai-whakawa o te Kooti Whenua Maori kia whakaetia kia tukua he piira whakahahe atu ki te whakataua a te Kooti Whenua Maori, i tuhia i te 30 o Noema, 1892, i te whakatuunga o nga kai-riwhi mo Erāhia Makomako, kua mate, mo ona paanga ki Rota 2, Parihi o Opuatia.

A notemea e tika ana kia whakaetia kia tukua taua piira.

Na reira, His Excellency te Kawana o te Tominiiona o Niu Tirenī, i runga i te whakahaerenga me te whakatutukitanga i nga mana me nga kaha kua whakawhiwhia ki a ia e wahanga-tekiona rua o tekiona rima tekau o te Ture Whenua Maori, 1909, a i runga hoki i te tohutohu me te whakaae a te Kaunihera Whiriwhiri o taua Tominiiona, tenei ka whakaae kia whakaetia atu e te Tumuaiki Kai-whakawa kia tukuna he piira i runga i nga tikanga kua kiiia ake nei. A tenei ka panuitia i whakaputaina tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a ka whai mana ano he whakaetanga na te Kawana i roto i tona Kaunihera ki nga whakahaerenga kua whakamanaia e tenei.

J. F. ANDREWS,  
Karaka o te Kaunihera Whiriwhiri.